


საქართველოს მემკვიდრე



№
16

1920 წ.
მარტის 7



ქართველი მხედარი. ისჯჯორი უთუოდ ინგლისელი უნდა იყოს. დავიჯერო, ჩემი
შესვლა დააფეთებს და ტლინკებს დამაყრის? მოდი, ერთი ვნახოთ, რას გვეტყვის ეს
გვირილს ყვავილი?.. შევიდე... არ შევიდე... შევიდე... არ შევიდე... შე..

თ უ თ ი ე უ შ ე ბ ი.

სონეტი ნაპირამ-გადალახული.

(„შვილდოსანის“ პოეტებს.)

სარკმელი. ჩარჩო. ზედ გალია დაკიდებული.
შიგ სხედან მწყრივით ერთის სხვის, როგორც ტყუპნი, თუთიყუშები:
ერთი ნისკარტი. ერთი ფერი. ქრელი ფრთა ყველას. და კიდე ბოლო.
თვალ-წითელები. აფხორცები. აზრ-მიხდილნი. ყველა მრუშები.

მშვენიერების ნაბიჯვარნი. მუზის ბუშები,—
იმეორებენ: აბღა-უბღას და ხათაბალას,—
გაზეპირებულს ერთ კილოზე, ვით ჰხამს ტიკინას და დედოფალას.
მინდა ვუყვირო: რას სჩადიხართ, კმარა. ნუ შვრებით.

სად გაგონილა ენის აღგმა ეგრე წვალეებით.
რად არ მოგებზრდათ მოსაწყენი ყველას ყალიბი...
მინდა ვუყვირო... მაგრამ ხმა მეტყვის იღუმალი: ნუ გსურს, ნუ, შებმა.

მაგათი ჯიში ასეთია. შესცვლი ვეროდეს:
დეე, უაზროთ იმეორონ სხვის სიტყვები თუთიყუშებმა,—
ვიღრე ჩვენს ბალში იაღონი მოჰფრინდებოდეს.

Una.

(თაბახა)

პატარა ფელეტონი.

ზ ა რ ი.

მატარებელი № 24 უკვე მზა-მზარეული სდგას თფილისის სადგურზე.

ხალხი რის ვაი-ვაგლახით ვაგონებში ჩალაგდა, სული მოიბრუნა და ზარის ხმას ელის.

— აბა, მშვილობით ნიკო, ეუბნება ცოლი ქმარს: სადაც არის მატარებელი დაიძვრის, მე წაფალ, შენ კუთით იყავი.

— მშვილობით, მშვილობით, ჩემო კარგო.

სადგურის წინ მილიციონერების დიდი ფაცა-ფუცია, გაშმაგებით დარბიან ხან ზევიდან ქვევით, ხან ქვევიდან ზევით.

— ნეტავ რა ამბავია? რისთვის იჭერენ ამდენ ხანს მატარებელს? უკმაყოფილოთ იკითხა ერთმა მგზავრმა.

— ვინ იცის, ჩემო ძმაო; იქნება ჯარს აგზანიან სადმე. ახლანდელ მიზეზებს ვინ გაიგებს.

— ჯერ პირველი ზარიც არ ყოფილა.

— ნეტავ რა ამბავი უნდა იყოს?

მატარებელი უძრავათ იდგა, ხოლო რკინის გზის მილიცია გაშმაგებით დარბოდა სადგურის ბაქანზე. ხან ერთ ყუთს შეატრიალებდენ, ხან მეორეს, ხან კალათს ათვლიერებდენ, ხან ხურჯინს, ხან ჯიბეზე ატანდენ თვალს, რა არის, გამომგრილი არ იყოსო.

— რა მოხდა, მეგობარო, — ჰკითხა ნიკომ შვი-ნებულ კონდუქტორს.

— მოიპარეს ბატონო...

— რა მოიპარეს, კაცო, რა?

— ზარი, ბატონო, სადგურის ზარი.

ვაგონში ყველას თავზარი დაეცა.

— კაცო, ზარს ვინ მოიპარა? იკითხა ერთმა მოხუცმა მღვდელმა.

— ქურდი, მამაო, ქურდი.

— მართლა... ქურდი რას არ იკადრებს...

დაემოწმა მღვდელიც.

მატარებლის გაშვება ძლიერ გასაჭირი შეიქნა. გასინჯეს პირველი კლასის ბუფეტის ცარიელი სამოვარი, ხმა ცუდი დაურჩა. გამოიტანეს ქვაბები, არცერთი არ გამოდგა. მილიციის უფროსმა თავში ხელი შემოიკრა, მაგრამ ეს რას უშველიდა.

ხალხში მყისვე ჩვეულებებისამებრ ათასნაირი ქორი გავრცელდა.

— თურმე, წმინდა გიორგიმ ჩამოიარა, ნახა უბრალო სახლზე ზარი ეკიდა, გაჯავრდა, მოხსნა და ცაში გაიტაცაო, ამბობდა ერთი ხანში შესული ქალი.

— მე კი მითხრეს, ვითომ ქურდი გარეთ დარჩენლიყო, — დაიწყო მეორე მგზავრმა — მისულიყო ზართან, მთელი საათი ერეკა, მის ხმაზე არავინ გამოსულიყო, მოეხსნა და თან წაეღო.

ამ ლაპარაკის დროს სადგურის უბანში ყრუ გუგუნე გაისმა. ხალხი ვაგონში გაინაბა. ყველას

მიწისძვრა ეგონა და ღმერთს მადლობას სწირავდა, რომ ამ საშიშარ დროს ვაგონში ისხდნენ. ნამდვილათ კი ორი ღონიერი მილიციონერი თოკზე გამოკიდულ რელსის ნაქერს ჩაქუჩს ურტყამდა.

მატარებელი დაიძრა. ავჭალაში მთელი ხალხი თფილისის სადგურის ზარის მოპარვაზე ლაპარაკობდა.

მცხეთაში ამბობდნენ: მთელი სადგური გაქურდეს და ქურდები უგზო უკვლოდ მიიმაღენო.

ქსანში დაბეჯითებით ამტკიცებდნენ, რომ თფილისში რკინის გზის სადგური მოიპარეს და ქურდები ჯერაც ვერ აღმოუჩენიათო.

კავთისხევში ყველა დარწმუნებული იყო, რომ სადგურთან ერთად დეპოც და სახელოსნოებიც მოგპარათ.

რკინის გზის მილიცია ისმენდა ყველა ამას და სიცილით კვდებოდა.

მორიელი.

ცოლის შერთვამდის

ბუღბუღივით ყველა ხეზედ ვჯდებოდი გაშლილ ვარდებს ტკბილ ველერსებოლი ვით ფარვანა ტრფობით თავს ვეფლებოდი და სიამით გულში ჩაფაკვდებოდი.

ცოლის შერთვის შემდეგ

ეხლა კი ვგრძნობ თავს ვირივით ბოსელში: ერთ ბაგაზედ, ერთგვარსევე სამოსელში, ჯავრისაგან ბოღმა მაწვება ყელში, ამ კანონის დამდეგი მომცა ხელში, გამოვადრო ის ყანყარტო ჯიგრითა, ამ წესს სდებდა რა აზრით, რა ფიქრითა? ესე მოვკვდე, გავიხარო იქ—რითა? კმარა ფიქრო შორს-შორს ნულარ მიჰქრითა...

განჯის-კარელი.

ს ი ღ ნ ა ღ ი .

(თანამედროვე პოემა).

თავი პირველი.

ციხე სიმაგრის ხელშია გამაგრებულა სიღნაღი, უშნოთ, უმზგავსათ ჩამჯდარა მთებში უცნობი ახმახი. მას ვერ მიუვა ვერც მტერი, ვერცა კეთილის მსურველი არსათ მოსჩანს სწორი გზა, ვაკე ადგილი და ველი. ზღაპრულად საიდუმლოა, ზღაპრული სენით მოცული: სძინავს სიღნაღს და მის მნახველს შეეხუთება მით სული. სძინავთ მცხოვრებლებს, და მათთან სძინავთ ქალაქის მამათა; ალბად აქ იშვა ის ჩვენთვის სასიქადულა „სალათა“. ობლად მოსჩანან სვეტები მუღამ ჩამქრალი ლამფებით რომ აიკლიონ შაბლონი ხალხნი დადიან ფარნებით. და რომ არ გაშრეს ქუჩები, ამუშავებენ წყალსადენს: ნიაღვრათ მის წყალს უშვებენ და იშორებენ ზამთრის მტვერს. ხალხიც მით კმაყოფილია, თუმცა არ ყოფნით მათ წყალი. მაგრამ არაეინ არ არის სიღნაღში ისე საწყალი, რომ სასმელადა კახური დაიკლონ მამა პაპური, თუნდაც რომ აკლდეთ საქმელად სიმინდის მქადი და პური. თუ რითა სცოცხლობს მშრომელი, რით ჰყვავის ყველა ხელობა ეს არის ჩვენი სიმშვენე, ზღაპრული თვითმართველობა. შიგ შუა გულში ჩაუკრავს სიღნაღსა მისი შენობა. დარბაზში თითქოს ბინადრობს სულთა მხუთავი ობობა. ობობა ყველგან ქსელს აბამს, მას არეინ უშლის შრომასა, და ებრძვის განუწყვეტლად სიღნაღელ ბუზთა გროვასა. მაგრამ ჩუ... ვიდაც გატოკდა... ალბათ სხვაც არის დარბაზში. მაგდაზედა ტკბილადა მოხეღე ტოკავს სიზმარში. ვერ ხედავს ალბად საბრალო, მის გვერდზე რემინგტონზეა ჩასძინებია მზე ქალას, ცხვირს არტყამს ასო-„ღონ“-ზეა, პირველ დარბაზსა გაივლით, შეხვალთ ქალაქის თავთანა. სძინავთ ქალაქის მამებსა, ბალიში უღვეთ თავთანა. სძინავთ და სიზმრად ხედავენ: სიღნაღი ახლად შენდება ქუჩებში ლაფის მაგიერ ყველგან ასფალტი ედება.

(გაგრძელება მეორე სიზმრის შემდეგ).

8. ბევრიელი.

მცირე მოსაზრებანი დიდს საკითხზე.

(დასასრული)

ბატონებო! წერილი „თამაღობის საქმეში საქირო რეფორმათა შესახებ“ ისე გამიგრძელდა, როგორც დაპირება მეგობრისა, რომელმაც ამ რამოდენიმე წლის წინათ ათი გირვანქა შაქარი აღმიტოქვა. ამ წერილით მსურს მას ბოლო მოუღო. რათა უკანასკნელი ნაწილი ჩემი წერილისა მსურს ყველასათვის უფრო ხელმისაწვდენი იყოს, განვიზრახე მისი დასურათება.

თვით უძველეს დროიდან ადამიანს ერთობ აბრკოლებდა და ამძიმებდა საღი გონების ტვირთვა და იგი გაფაციკებით ეძებდა საშუალებებს ამ გონებრივი სიფხიზლის თავიდან მოსაშორებლად. უნდა ითქვას ადამის ტომთა სასახელოდ, რომ მისმა სხვა და სხვა შტომ თითქმის ერთი მეორისაგან დამოუკიდებლად გამოიჩინა სხვა და სხვა საშუალებანი გონების დასაკარგავად.

ერთი უმთავრესი ამ საშუალებათაგანი, როგორც მოგეხსენებათ გახლავს ღვინო, რომლის აგტორობას ისტორია აკუთვნებს ებრაელთა პატრიარქ ნოეს.



როგორც მოგეხსენებათ ნოემ, კილობანიდან გამოსვლისათანავე გააშენა არარატის ფერდობზე მშვენიერი ზეარი. ყურძნის წვენისაგან დაამზადა ჩინებული ღვინო, დაჯდა, დალია ლოთიანად და შემდეგ რა შეემთხვა თითოეულმა თქვენგანმა ჩინებულად იცის... ნოე დათვრა.



ვინც კარგათ იცნაზს მეცნიერებას, მისთვის ცხადია, რომ მარტო ღვინის გამოგონება ვერ შეიქმნებოდა იმ მძლავრ საშუალებად, რომელსაც ეძიებდა კაცობრიობა. მეორე საკითხი, რომელიც ღვინის მოგონების შემდეგ მთელის თავისი სიგრძესიგანით უნდა წარმომდგარიყო კაცობრიობის წინაშე გახლდათ საკითხი „სასმისთა“ შესახებ. მართლაც რათ გინდა ღვინო, თუ არ მოგეპოება ქურქელი, რომლითაც იგი დალიო. და აი პირველ ყოფილი ადამიანი ამ მიზნისთვის მიმართავს ყველაზე უბრალო საშუალებას: იგი ქვის ჩაქურით ჰკლავს თავის ბიძას; იმისი თავის ქალისაგან აკეთებს ქურქელს საკმაოდ მაგარსა და აგრეთვე საკმაოდ მოზრდილს, რომლითაც შეეჭკევა მათობგელო სასმელს.




მაგრამ მოგეხსენებათ ადამიანის წინსვლა შეუჩერებელია. ყოველ საჭიროების დროს ბიძის მოკვლა ცოტად-თუ ბევრად უხერხული გამოდგა. ესეც არ იყო, დარვინის თეორიის მიხედვით, დიდ თავიანი ბიძები სრულიად მოისპო. გამრავლდა მხოლოდ ისეთი ბიძები, რომლის თავის ქალაში რამოდენიმე სათიანე ღვინო თუ ჩაღიოდა და ასეთი თავის ქალის გულისათვის ბიძის მოკვლა უბრალოდ დროს დაკარგვით იქნა მიჩნეული და ადამიანი ეკვეთა შინაურ პირუტყვებს, რომელთაც თავზე აღმოაჩნდათ ორი გრძელი და ფართო სასმისი, შემდეგში ყანწად წოდებული.



ამ ორ გამოგონებათა შეზავებისაგან წარმოსდგა ქეიფი და საფუძველი ჩაეყარა თამალობას. ერთი ამ აღრინდელ პრიმიტიულ ქეიფთაგანი გამოხატულია აქ ჩვენს სურათზე. პირველ ყოფილი ადამიანი გაცილებით უკეთეს პირობებში იყო ამ მხრივ, ვინაიდან სურსათის მხრივ ის თითქმის უზრუნველყოფილი იყო.




ქეიფის განვითარებამ წარმოშვა მშვენიერი ღმერთი ლოთობისა ბახუსი.



გერმანელთა მეფე სიმფრალისა გამბრინიუსი.



ღა იდეალი ლოთი-ფოთი მოქიფისა ფალსტაფი.



უნდა მოვასხნოთ, რომ სასმისთა განვითარება ხელი-ხელ ჩაკიდული მისწრაფის პროგრესის გზაზე ქეიფის განვითარებასთან ერთათ, ხოლო ქეიფის განვითარება თავის თავად დამოკიდებულია სასმისის განვითარებაზე. თავის ქალისაგან ადამიანი გადავიდა ყანწებზე, ყანწებიდან კულაზე, თასებზე, აზარფეშებზე, ჯამებზე, ხელადებზე, ტაშტებზე, ქვაბებზე, ვანებზე, ბოქკებზე და სხვ. და სხვ. საკიროა აღინიშნოს, რომ მგონებები და შეყვარებულნი ხშირად ხმარობენ სასმისად სატრფოთი ქოშებს, კალოშებს და სხვ.



ქეიფთა შორის პირველობა ეკუთვნის ქართულ ქეიფს საზოგადოთ, ხოლო



ქართულ ქეიფთა შორის განსაკუთრებით მომხადღებელია კახური ქეიფი, სადაც სასმისთა შეჯიბრება უმაღლეს წერტილს აღწევს.




ბევარელთა ქეიფი სასმისთა სიგრცით თუმცა ქართულს არ ჩამოუვარდება, მაგრამ სასმელის შხრით ეს ხალხი ქართველებზე ბევრათ უფრო ჩამორჩენილი არიან, ვინაიდან ისინი სვამენ ლუღს.




სამაგიეროთ რუსული ქეიფი, ეგრედ წოდებული არაყით, უკვე ცნობილია მთელს ევროპაში და დასახულ მიზანს ყველაზე უფრო სწორათ ემსახურება.



ჩამორჩენილ ქვეყნებში, სადაც ხალხს არა აქვს შეგნებული მთელი სიმშენიერე ლოთობისა, ამ საქმისათვის საჭიროა რჩება ზოგიერთი ძალდატანებითი საშუალებები. ურჩისა და შეუგნებელ მოქალაქეს, რომელსაც სურს თავისი სიჯიუტით ჩირქი მოსცხოს მთელ ერს, ან შეკრებულებას, ძალით ასხამენ ხოლმე თავის ულლუფა ღვინოს მუცელში და მით პირნათლად გამოჰყავთ სამშობლოს წინაშე, ამ საშუალებას განსაკუთრებული ენერჯით მიმართავენ სევანეთისა და ლეჩხუმის წარჩინებული პირნი.



იქ სადაც მოქალაქობრივი ღირსების შეგნება მალალ საფეხურზე სდგას და ყოველმა მოქალაქემ ოცის თავისი მოვალეობა სამშობლოს წინაშე, ძალდატანებას აღგილი არა აქვს და თითოეული მოქალაქე, როგორც უმანკო ბავშვი, ისე ასრულებს თავის მოვალეობას.



შედგი ყოველი ქვიფისა სასურველია ასეთი იყოს, მაგრამ ძლიერ ხშირად, ატავიზმის მიხედვით, დღევანდელი ადამიანი უბრუნდება იმ დროს, როცა მოქალაქე იბრძოდა თავისი ზიძის თავის ქალა-სათვის, თუმცა თავის ქალა მას სრულიადაც აღარ ესაჭიროება.



სამაგიეროდ, გამოფხიზლების შემდეგ ის კვლავ მუხლს იდრეკს თავისი ღვთაების წინაშე და აღა-ვლენს გულმხურვალე ლოცვას.

დებულებანი. ამ მოკლე მიმოხილვით ჩვენ მოვამზადეთ ნიადაგი, ხოლო ახლა გადავიდვართ პირდაპირ საგანზე.

ჩვენი შეხედულობით თამადისათვის უნდა შემუშავებულ იქნას ერთი გარკვეული წესრიგი, რომლითაც ის ვალდებულ იყოს ხელმძღვანელობისა. შეიძლება ეს წერილი შეტანილ იქნას ჩვენს მომავალ კონსტიტუციაში, თუ ეს უკანასკნელი ელირსება როდისმე ქართველ ხალხს, ხოლო უკანასკნელ შემთხვევაში შეიძლება უბრალო დეკრეტის სახითაც გამოიცეს.

მაშ ნება მიბოძეთ გადაგიშალოთ თვალწინ ჩემი გეგმა საჭირო რეფორმებისა.

პირველი სადღეგრძელო—თავისუფალი, დამოუკიდებელი, მშენიერი და პატარა საქართველოს კეთილდღეობისათვის (სავალდებულოა).

მეორე სადღეგრძელო—მისი ბატონ-პატრონისა და კანონ მდებელი უმაღლესი მბრძანებლის დამფუძნებელი კრებისთვის (სავალდებულოა).

მესამე სადღეგრძელო—საქართველოს მთავრობის სადღეგრძელო. (ნაციონალ დემოკრატიები-სათვის არ არის სავალდებულო).


მეოთხე სადღეგრძელო—მთავრობის თავმჯდომარის ნაოე ჟორდანის დღეგრძელობისათვის (სავალ-დებულოა ქალებისათვისაც).

მეხუთე სადღევრძელო—ჩვენი რესპუბლიკის დარაჯთა: ჯარისა და სახალხო გვარდიის კეთილდღეობისათვის (სავალდებულოა).

შემდგომად ამისა მოდის ერობათა, ქალაქთა, კოოპერატივთა და პროფესიონალური კავშირები, წითელი ჯვარი, სენატი, მწერლობა, მხატვრობა, ქათალიკოზი (სავალდებულოა ნაციონალ დემოკრატებისათვის) საზოგადოება კახეთია, ახალი კლუბი, წერა-კითხვის გამ. საზოგადოება, სახელმწიფო თეატრი და შემდეგ კერძო პირები.

როგორც მოგეხსენებათ ძველ დროში ქეიფის ბოლო ხანს საკანში მყოფთაც გაიხსენებდენ, მაგრამ დღეს დღეობით მათ დიდ ყურადღებას არავენ აქცევს.

მე დაჟინებით მოვითხოვ ეს რიგი დაცული იქმნას არა მარტო სადღევრძელოების წარმოთქმით, არამედ სასმისთა სიდიდის შეთანხმებითაც.



უეზარი საუვალება ოფლის წინააღმდეგ.

მოდის საუხული და თან მოაქვს სიცხე და ოფლი! დღემდე კაცობრიობამ არ იცოდა ნამდვილი წამალი ოფლისა! ამიერიდან აღარ არის ოფლი!

ქირს უბი: ქირს უოველგვარი პუდრი! ქირს რეკლამებით გავიზადებული უველა წაგალი ოფლისა!

გაუგარჯოს უოველ თვიურ ჟურნალს „ფილდოსანს“ და მის კოეტივს: „ფილდოსანის“ ჰოეტები საოცარის სისწრაფით ამრობენ და სწობენ ოფლს!

რეკლამა არ გეგონოთ: უაქტია!

„მსურვალე კოცნით ამოგიშრობ ოფლიან ღლიანს!“

(„ფილდოსანი“ № 2-3, გვ. 12 სტრიქონი 8.)

„ფილდოსანის“ კოეტივი აზრობენ ოფლს არა გარტო ილლიაში!

დ ე ზ ე მ ე ბ ი

ლანჩუთი ქალაქის თვითმართველობა გადავიდა ახალ ბინაზე უწინდელ „ნაობახის“ შენობაში. იურისტების აზრით ეს ტაქტიკურ მოსაზრებით ჩაიღინა გამგეობამ, ვინაიდან, გამგეობის დატუსაღება რომ საქირო შეიქნას (ჩვენს დროში არც გასაკვირია) ტუსაღებს ბინის გამოცვლა აღარ დასჭირდებათ და ეს გარემოება არც ისე ცუდ შთაბეჭდილებას მოახდენს მოქალაქეებზე, როგორც ეს ურშაძის სახლის დაცლის დროს დაემართა გამგეობას.

ხუროთ-მოძღვარმა **ძრიელმა** დაამთავრა ქალაქის სასაკლაო, რომელიც ყახბების გეგმაზე ქალაქის შვავულშია მოთავსებული და მთელ ქალაქზედ ვრცელდება ნაყოფიერი ნაკელით სარგებლობა, რასაკვირველია უფასოდ. აგრეთვე მეყასპეები ბაქსაც ველარ შეირჩენენ, რადგან საქონლის დაკვლა შვაქალაქში მოქალაქეთა თვალწინ ხდება.

ლაშის ღელის სამკითხველოს შენობა დაამთავრა ინჟინერმა **აღისტრახ ანტონიძემ**. სამკითხველოს გამგეობამ გამოიწერა ყოველგვარი ქურნალ გაზეთები და ევაქრებიან აგრეთვე დამფუძნებელ კრების გან. კომისიის ნ. ნიკოლაძისეულ ბიბლიოთეკაზე, სამკითხველო მოქმედებას დაიწყებს ლაშის ღელის დაშრობისთანავე

ბუტუნა

ფოთი. არა ჩვეულებრივი თოვლითა და ყინვებით ნამდვილი რუსული ზამთარი დაიჭირა, რისთვისაც ქალაქი ისე მოუშხადებელი დარჩა, როგორც რუსული წესწყობილებიზა. („კომუნიზმიზა“) თოვლმა უფრო მეტ ხანს გასტანა ქალაქში ვინემ „კომუნიზმიზა თუმცა თეთრი“ დათვები ვერც ამ რუსულმა ზამთარმა მოშგვარა ფოთის დენიკინელ — კომუნის ბლოკს.

ადგილობრივმა ინტელიგენციამ დაარსა ახალი კულტურული საზოგადოება: **„ისევ და ისევ ღვინითა“**. წვერთათვის სავალდებულოა ქერმონის კიქა პირდაპირი მოვალეობის შესასრულებლად. კრებები სისტემატიურად ხდება „მაჭარაძის კლუბში“

ფოთის რკინის გზის „მოწინავეებმა“ გამართეს ჯგუფური ქილაობა. ფალავანებად გამოვიდნენ ერ. ცხადია და შ. ბასკინქილაძე, პირველმა მეორეს საკინძე შეაწყვიტა ქილაობის დროს, ხოლო მეორემ პირველს მეგ. შალვარის ლარი შეაწყვიტა. შალვარი ფეხებში გაეხანდა და „ღელის ხორცა“ მიწაზე გაიშხლართა. ჩემპიონი ცხადია. ქილაობაზე

დამსწრე ორგ. წარმომადგენელი განცვიფრებული დარჩენ. ცხადიას ქილაობის უფლება ახადეს

ბუტუნა

ბათუმის ამბები. „დიდი კოპერატივის“ მავალითა სავსებით გამოაცალა ზოგიერთების უსაფუძვლო მტკიცებას ნიადაგი, თითქო მოსამსახურეს, თუ მას აიძულებენ, ან შეეძლოს დღე და ღამეში 12—15 საათიც იმუშაოს.

რამდენიმე კვირაა, რაც ასოთ-ამწყობთა პროფ. კავშირის ბინაზე დიდი აურ-ზაური ხდება. ამბობენ იქ „ვირთხები“ გაჩენილანო. ერთი იმათგანი ხაზინაღარის ყუთშიც ჩამძვარა და ჯერ-ჯერობით მხოლოდ „პრიხოდო-რასხოდის“ წიგნი, ფულის ანგარიშები და რამდენიმე ათასი მანეთი კავშირის ფული ჩაუხრამუნებია. ზოგიერთების გადმოცემით, აღნიშნული ვირთხები კომუნისტურ მიმართულებას აღიარებენ.

ოხუნჯი

შორაპანი (დებეშა ფოსტით) თუმცა გრძელი სიტყვა მოკლეთ ითქმის, მაგრამ უკაცრავათ, თუ სიტყვა გამიგრძელდეს. გაცნობებთ: აქ მიიღეს ყოფილი განჯის „ნარიადჩიკი“ ტარასი ორჯონიკიძე; ზოგიერთების ექვი, რომ ის პროლეტარია არ გამართლდა.—ის შეძლებული კაცია და მიიღეს იმიტომ, რომ სოფელში ყოფნა მოსწყენია. წამოყენებული ბრალდება-ძველათ ქრთამებს იღებდაო არ გამართლდა, რადგან გამოირკვა, რომ კონდუქტორებს თვითონ მიჰქონდათ როცა გასაქირი ურჩებოდათ. პირიქით ვერ მოიყვანეს ისეთი მავალითი, რომ მიეტანათ: ინდოურ, ბატ-ქათანი, ღვინო, კვერცხი, ყველი, ხიზალა და ტარასის იმათთვის საქვე არ გაეკეთებოთ. ფიზიკური ნაკლი, —სახელდობრ, რომ ტარასი ორივე ყურით ყრუ არის საბატით სცნეს, რადგან მოძრაობის უფროსმა ამისთვის ახალი სახელი გამოიგონა: „Заша-ный агент без права дежурства“ ასე რომ ჯამაგირს მიიღებს, როგორც მორიგე აგენტი მხოლოდ ნება არ ექნება მორიგეობის და მაშასადამე სიყრუეც ვერაფერს დაუშლის. საზოგადოთ აქ, როგორც პროვინციაში, კორიკანაობა უყვართ. მავალითად დემოს კანტორის გამგეს ვ. სამხარაძესაც აბრალებდნენ ქურდობას და შექთამებობას, მაგრამ იმან წარმატებაც კი მიიღო და სამმართველოში გადავიდა; ესლა კი ირკვევა, რომ ის თურმე დიდ საზოგადო საქმეს აკეთებდა: იპარავდა სახაზინო ნივთებს—ამით ნიკოლოზის მთავრობას აღარბებდა, იღებდა ქრთამებს—ამით ხალხს უჯანყებდა. მე მოწინავე ამხანაგების მონდობილობით მადლობას ვუძღვნი ყველა იმ პირთ, რომლებიც ამისთანა უანგარო და რევოლიუციონურ მოღვაწეებს დახმარებას უწყევნ.

მონდობილობით კუწუწო საქარელი.

თელავი იარალ აყრილ მოქალაქეებს, თელავის ყასბებმა ჯერ ტყავი გააძვრეს, შემდეგში კი მთლად უხორცოთ გაუშვეს. დღეს ადმინისტრაცია იარალის აყრით ემუქრება ყასბებს. თვითმართველობა ნეიტრალიტეტს იცავს.

გიმნაზიის დირექტორს კლიმიაშვილს განზრახვა აქვს მომავალ წლისთვის გიმნაზიის შენობაში კარტის სათამაშო კურსები მოაწყოს, რომლის ხელმძღვანელათ მასწ. ედილაშვილი და გ. კიკვიძე იქნებიან მიწვეულნი.

კოოპერატივ „დახმერების“ გამგე ნაპალეონი მოუწოდებს წევრებს, საქონელი ჩქარა წაიღონ, რადგან მაღაზიაში დიდი ვირთავვა ვაჩვენია, რომელიმე აქავეს აქავეს კინაღამ თაფლის ბოქვა არ გაატურა ყინულზე.

მიწის ძვრის გამო.

თფილისი ვერ ვნახე ერთ წელზე მეტია... (გურული, თუმცა და ყოველთვის ცეცია), მარა ჩემს უსაზღვრო სიღინჯეს ამაში მაძლევდა წინასწარ გრძნობების თამაში. თფილისში ჩამოსვლით რალაცა მელოდა, თითქოს ეს ვიცოდი; მე აგი შეჯეროდა, მარა ვინ გაექცეს საეტლოს წერასა? მოვშორდი დროებით*) მე ფოთის მზერასა, ჩამოვედი თფილისში თებერვლის ოცია (შიშით, რომ ქალაქი მე დამიხოცია ამაში მკითხველიც კი დამერწმუნება. მიწყრება ეშმაკი, ღმერთი თუ „გუნება“?) რადგანაც შორს ვიყავ სახლზე და შინაზე ამხანაგ მიკიტას ვესტუმრე ბინაზე. მესამე სართულზე ჩემ საუბელუროთ (შაინძელს ამაში რათ უნდა ვემდუროთ?) გავშალეთ ლოკინი ჩვენ აზიურათა, თავბოლო შექცევით დაფწევით ძმურათა. თუმცა ჯერ შორს იყო ალიონ თენება მე ვნახე საშინელ სიზმართა ჩვენება. შიშისგან მღვიძარეს აღვამა მჭიროდა ამ დროს კი ეზოში ხალხს ხმა ყვიროდა: „ქვეყანა იქცევა გამოდით გარეთო დილა და პატარავ თავს მოეხმარეთო“ ავდექი. ვიხილე სახლებების თამაში, (თქვენ თუ გსურს მკითხველო დამძრახეთ ამაში) მე ვჩქარობ ამ ჩემი ანდერძის წერასა, მიწის ძვრით ვშორდები სჩანს ქვეყნის მზერასა. კვლავ გული ვერა სთმობს ჩემ ტურფა ზრახვასა რა რიგათ ვჩქარობდი ბათუმის ნახვასა? მოგიხმობთ ბურჭულებს და პროლეტარებსა უჩემოდ მიადგეთ ბათუმის კარებსა.

დილა — 20/II 31/2 საათი. ბუტუნა.

*) ვაჰ ესე „დროება“ უვალა თუ ვახდა და საქმე ეშმაკის უჩემოდ თუ წახდა?

ძმავე ქართველო

ვუძღვნი სამათრახო ქართველებს

მინდა გკითხო, მხოლოდ ვშიშობ... ვაჰ თუ გასწყრე ძმავე ქართველო, თორემ ესე შეგებები ეს ხელი და ეგ საყელო... მოკლეთ მოვქრათ უფრო კარგი, მეტი აღარ გავაგრძელო... მითხარ რითი შეგიძლიან ალაყავა საქართველო?

მხოლოდა გთხოვ ჩემი კითხვა არ გეჯავროს არ გეწყინოს მე მგონია კიდევ დასტებე, გულს ნეტარად მოგეფინოს და მაშინ კი სხვა გვარ გკითხავ თუ გულს ბოლმა მოგებჯინოს თუ დაფქრდი უკეთესი რომ მით მტერმა არ დაგვიცინოს.

ნუ თუ მხოლოდ კუქს ემონვი შარტო გასძღე ღორ-მუცელო,? შანაზიურს შეექვე და ყელი იმით ჩაისველო, ორი სკამი მოიმართო ორგან ბინა გაიბრტყელო, მუცლის გამო დაგავიწყდეს შენი დედა საქართველო?

არასოდეს არ შეგფერის მაგისთანა საქციელი რადგანაცა ამ დროისა ვაჰ-კაცი ხარ და ქართველი. თუ რომ მაგას არ მოიშლი აჰა დანა და ეს ყელი მოიგონე შენი ქვეყნის მძმათა ძვლების საძირკველი.

მისთვის გაჩნდი ამ ქვეყანად, ზურგის ქონი გაისქელო?! ნახო მოძმე განსაცდელში არ მიხედო, არ უშველო? ქირზე ქირი მიუმბატო, თვალნი ცრემლით დაუსველო, და ამ გვარი საქციელით გსურს შეამკო საქართველო?

ქართველი ხარ, ქართულადვე მოიქეცი როგორც გმართებს, შენნი ძმანი ააციდინე მტრის დაგებულ მახის ხლართებს, მოვალე ხარ დაეხმარო მტრის ხელთ ყოფილ დანაზავთებს, მაშინ ვიტყვი: გრწამს სამშობლო, ვნაცვლები მის მთის კალთებს.

ძმა სინათლეს გვედროდეს
 დაცინებით ჩაუხველო,
 განათლების მაგიერათ
 შენ მას უფრო დაუბნელო,
 ენა სხვისით გააწბილო
 გზა და კვალი აუქრელო,
 აბა მაგით როგორ შესძლებ
 გაახარო საქართველო?

ქართველი ხარ და ქართველისა
 მტკიცე უნდა გედგას სისხლი
 შენსა მოძმეს გაუნათლე
 მოაშორე ჯანყი, ნისლი,
 შენი მოძმე გვერდში გავედეს,
 არც მოშორდე, ნურც მოიცილი.
 შენი ენაც მტკიცედ გწამდეს
 სხვა ენებზედ ნუ გაიცვლი

ვცილობ, ეგებ გამოკეთდე...
 მოგეხმარო მეც გიშველო,
 თუ რაცა ხარ ის იქნები
 თავი რალად გავიცხელო?
 შენ საწველი წამიქიო
 მე ვეწვალო მოვიწვლო
 ვინც სამშობლოს მგმობელი ხარ
 საზიზღარო, საძაგელო,
 როგორც ვატყობ ღირსიცა ხარ
 ამ მათრახით ავაჭრელო.

ან განჯის კარელი.

თანამედროვე იაფ-ნანა.

იაფ-ნანა, ვარდო ნანა, ბროლ—ანდამატოვო,
 დაიძინე, მომავალი სპეკულიანტოვო!
 რომ იცოდე რა კარგ დროს გხვდა შენ დაბადებო,
 თავს არ გატყენს სამღრთო სჯული და „დაბადებო“;
 არც სხვა საგნები შეგაწყენს ვერც რიგათ თავსო,
 აბა ვის რათა სჭირია, ვილა იკითხავსო.
 ხალხი ჭამას დაეწაფა, სხვა სულ ფუჭიაო...
 მბრძანებელი ახლა მხოლოდ მარტო კუჭიაო.
 მოიმაგრებ თუ არა წელს, ჩემო მშვენიერო,
 ბირჟისაკენ მიგიითებე შკოლის მაგიერო.
 ან ვინმე ჩარჩს მიგაბარებ, კარგად გამოქნილსო,
 ვინც აძვირებს სხვათა უკეთე შეპარსა და ფჭეილსო,
 რომ გასწავლოს ხალხის ყვლეფა, კარგათ დახელოო,
 და ამით მეც მანეტარო და მასახელოო.
 იაფ-ნანა, ვარდო ნანა, ბროლ—ანდამატოვო,
 გენაცვალოს დედა, პაწა სპეკულიანტოვო.

ნელი.

ს. ტეხ. სეცტა და ბინ. დისტანცია.

(რემინგტონზე მომუშავე ქალის წუხილი)
 ცხრაზე უკვე სამსახურში

მწარე განცდებს ვაძლევ ფიქრებს,
 თერთმეტზე კი, გონს მოვდივარ,
 როს უფროსი თითს დამიქნევს!
 ვეწამები დილით ასე,
 სკამზე ვზივარ ისევ სამზე,
 ჩემი თავი უფროსის წინ
 ვერას გზით ვერ დავაფასე.
 ყოველ ადგილს შეწყდა შრომა,
 ყველა მიდის წყნარაა სახლში,
 უფროსი კი, ჯერ არ გვიშობს,
 ახალ აზრებს სქედავს თავში.
 ჩემი აზრი მიდის კარში,
 უფროსი კი კვლავ დავთარში,
 აღარ გიკერს ასეთ ტანჯვას
 აგრე საღათ რომ გადავჩნი!?
 ღმერთო ჩემო, ოთხმა დაპკრა!
 მე კვლავ უკრაფ რემინგტონზე,
 საათი კი გზაში მინდა,
 შევირყევი მგონი გონზე.
 რა შეეცოდე გამჩენს აგრე,
 ამ უწყებას რაზედ სჯიან,
 ფიქრებს თავში ვერ ვაკავებ
 საგიჟისკენ ქრიან, ქრიან!..

სატანა.

მთავარი სასჯელოსწოები.

განცხადებების დაფა.

პირველი განცხადება. სასურსათო კომიტეტის
 დადგენილებით მოთელი შტატი პურისმცხრობელთა
 გადაყენებულია. მათი მოვალეობა ეკისრება „ტარა-
 კანთა“ შრომის რაზმებს, ვირთაგვების მოიჯარა-
 დრობით.

მეორე განცხადება. დებეშა № 464, 23/II-19 წ.
 მთელ ხაზზე და სამპართველოში. განყოფილებათა
 უფროსებს. ჩემდამი მოდწეულ ცნობების თანახმად
 ზოგიერთ აღმინისტრატორებს მოჰყავთ სოფლები-
 დან ცოლი, დედა, ცოლის ძმები და ბიძაშვილი სა-
 მსახურში მისაღებათ. ზევრს მათგანს ინდაურების
 ჩამოყვანაც განუზრახავს კანტორებში სამსახურისა-
 თვის და სამისოთ ამზადებენ კიდევც მათ, როცა რე-
 სპუბლიკაში უმუშახელობით წარმოება შეფერხე-
 ბულია, ადამიანების პირუტყვებით შეცვლა და ყველა
 ოჯახის წევრების შრომაში ჩათრევა მაგალითად
 უნდა ჩაითვალოს ყველა მოსამსახურეთათვის, რის-
 თვისაც ზემოაღნიშნულ პირთ ღრმა მადლობას ვუ-
 ცხადებ რკ.-გზის უწყების სახელით.

რკ.-გზის უფროსი კანდელაკი.

დედნთან სწორია, მთავარ სახელ. მწერალი ოსიპჩუკ
მესამე განცხადება რკინის გზის საავთმყოფოს
 დაბალ მოსამსახურეთა კრებამ ულტიმატუმის სახით

წარუდგინა ადმინისტრაციას შემდეგი მოთხოვნილებანი,

1. ოთხი საათის სამუშაო დღე,
2. ლეგალიზაცია მიმე ავთომატოთა ულუფის მითვისებისა,
3. განთავისუფლება პალატებში სისუფთავის დაცვისაგან.

კრების თავმჯდომარე ყლაპიაშვილი.
ცუც!

ბინის პატრონის ქალი.

(შარყი ერთ მოქმედებათ).

ძღვნათ მიტახ.

მოქმედნი პირნი:

ვახტანგ გაბრიელიძე } სტუდენტები
სანდრა }

ოლიმპიადა ივანოვნა, ბინის პატრონის ქალი.
დაშა, მოსამსახურე.

მოქმედება სწარმოებს რუსეთის ერთ-ერთ ხაუნეფანს-ტეტო ქალაქში.

ვახტანგის ოთახი.

(დასასრული).

გ.

ოლიმპიადა ივ. პატიოსანი ოჯახის შეურაცხყოფა!.

ვახტ. ნეტავი რით დავიმსახურე თქვენი რისხვა!

ოლიმპიადა ივ. თავხედობა გამიგონია, მაგრამ ასეთი?! მოსამსახურე გოგოს გარშეყვინებართ, გიკოცნიათ... ლოყა კინაღამ ჩემი გულისა!.. განა ეს ეკადრება პატიოსან ადამიანს?... სტუდენტს!.

ვახტ. მაშ თქვენ ყველაფერი იცით? დაშამ გიამბოთ თავისი პირით!

ოლიმპიადა ივ. დიახ, დაშამ!

ვახტ. (მშვიდათ) მე ეს არ მიკვირს. ხეპრე გოგოსაგან მეტს რას უნდა მოელოდეს კაცი? მონა არასოდეს არ ყოფილა და არც იქნება თავისი გრძნობისა და ენის პატრონი... (შექმნილი მდგომარეობით ნაწევი) მე სამწუხაროთ მაქვს მხოლოდ ის, რომ სისულელის გამო ჩვენ ასეთ პირობებში ვხდებით ერთმანეთს!.. მე გაგებულნი მქონდა, რომ ჩემს ახალ ბინის პატრონს მშვენიერი ასული ჰყავდა... მე თქვენზე იმ თავითვე დიდი წარმოდგენის ვიყავი, თუმცა, უნდა მოგახსენოთ, მე თქვენ არასოდეს არ მინახიხართ. თქვენდამი პატივისცემისა და მორიდების გრძნობა იმ თავითვე ღრმად ჩამეჭრა გულში, არ ვიცი კი, თუ რით შეიძლება აიხსნას ასეთი მოვლენა?— შეიძლება მართლაც არიან საღმე ბედის მწერლები!.. ასეა თუ ისე,—ფაქტი მაინც ფაქტია... რომ იცოდეთ—როგორი გულის ფანცქალით მოველოდი იმ ბედნიერ დღეს, როცა მე თქვენი ხილვის ღირსი გავხდებოდი!.. მაპატიეთ, თქვენი სახელი? (მოუხლოვდება).

ოლიმპიადა ივ. ოლიმპიადა ივანოვნა.

ვახტ. ძალიან სასიამოვნოა... ვახტანგ ფარნაოლის ძე გაბრიელიძე (ხელს ათმეკვს).. დაბრძანდით (სკამს მაწვდის).

ოლიმპიადა ივ. არა მიშავს.

ვახტ. მართალი ვითხრათ,— ეს [ოთახი მიტოვდავიკირე, რომ თქვენი გაცნობისა და დაახლოვების საშუალება მომცემოდა... თქვენი სილამაზის შესახებ მე ბევრი რამ მსმენია... დაბრძანდით.

(ვადებთან)

ოლიმპიადა ივ. (თავმოწონეთ) ეხლა ხომ დაინახეთ, რომ მოტყუილებული ხართ?

ვახტ. როგორ?

ოლიმპიადა ივ. ისე.

ვახტ. პირიქით,— მე ეხლა დავრწმუნდი, რომ სრულ სიმართლეს მიუბნოდენ, როცა თქვენს თავს მიქებდენ.

ოლიმპიადა ივ. ეყვ, რა ეშპაკაბი ხართ სტუდენტები!..

ვახტ. უმორჩილესათ ვთხოვთ, რომ პირადათ მე შორს დამაყენოთ ასეთი შეხედულებისაგან! ჩემს გულ წრფელობაში ექვის შეტანაც კი ცოცხალი.

ოლიმპიადა ივ. (დამაყენოთ) ვითომ?

ვახტ. მე ყოველთვის იმას ვამბობ, რასაც ვგრძნობ და ვფიქრობ.

ოლიმპიადა ივ. კი, მაგრამ. (ეშინათ) მე რომ ლამაზი არა ვარ?

ვახტ. ეგ ჩვენ გვკითხეთ.

ოლიმპიადა ივ. ძალიან შორს მოვლით ჰფიქრობთ, ბატონო ფონს ვასვლას.

ვახტ. სრულებითაც არა. მე უკვე საქმაოთ დასველებული ვარ. ჩემს მდგომარეობაში მყოფი ადამიანი ფონს აღარ ეძებს.

ოლიმპიადა ივ. ვითომ რაო?

ვახტ. ისა, რომ თავის მართლებებზე არც კი მინდა ვიფიქრო. დამნაშავეს მხოლოდ პატიება შეუძლია ითხოვოს, და მეც ამას ვითხოვ თქვენგან. დამიჯერეთ—სიკვდილამდე სანაწლათ მრჩება ის თბილი აღერსი, რომელიც წუთიერი გატაცების დროს ვერაგულათ მომტაცა იმ მაცდურმა. მე ხომ ესეც მიყოფა სასჯელათ, ჩემო.. (მოულოდნელათ დაიხრება და ხელზე აკოცებს).

ოლიმპიადა ივ. ეგ რა ჩაიდინეთ?.. ვინა გგონივართ?!

ვახტ. ჩემი ღმერთი, ჩემი ხატი! (ხელს დაუჭერს და გაშმაგებით ჰკოცნის).

ოლიმპიადა ივ. (წამოღებება და ხელის განთავისუფლებას სცდილობს) რას სჩადიხართ? თავი დამანებეთ!..

ვახტ. (თავისაკენ ეხილება) ჩემო...
ოლიმპიადა ივ. რას სჩადიხართ?!. ვახტანგ ფარნაოლისი!.. ნუ შერბით!.. მე.. (ენების და თან-დათან აიტანს და ათათოვლებს).. ვახტანგ ფარ-

ნაოზიენი!.. ახ... (თავს ოდნავ გვერდსეუ გადახრის და თვალებს დანახავს).

ვახტ. ჩემო ღვთაებავ! (გულში ჩაიკრავს და ტუჩებზე დაეკონება... შემოდის დაშა).

ღ.

დაშა (თავისთვის) აი, კოცნაც ასეთი უნდა! (ხმა მადლა) ქალიშვილო, ქალბატონი გეძახით.

ოლიმპიადა ივ. (შემკრთალი) დაშა! (მოტრიალდება და გაიქცევა)

ვახტ. (უკმაყოფილოთ) დაშა, განა არ იცით, რომ კარებზე დაუკაკუნებლათ ოთახში შესვლა არ არის მიღებული?

დაშა. (დამინახვი დამიჯიათ) ვიცით, ბატონო სტუდენტო, ვიცით... (ხელა გადაის).

მ.

ვახტ. რა დროს შემოვიდა ეგ ოხერი!

სანდროს მხა: სტუდენტი სახლშია?

დაშას ხმა: სახლში ვახლავთ.

(კარები გაიღება, და შემოვა სანდრო—წიგნებით ხელში).

ვ.

სანდრო. არ გრცხვენი?! რას მატყუილებდი თუ არ გინდოდა მოსვლა, გეთქვა, და მე მაინც ვიმეცადინებდი!. მთელი ღღე შენს ლოდინში გავატარე!

ვახტ. მოსვლა როგორ არ მინდოდა, მაგრამ.. ნეტავი რომელ საათზე დაიწყება ხვალ გამოცდა?

სანდრო ათზე ან თერთმეტზე.

ვახტ. არაფერია, მოვასწრებთ! ამაღამ ცოტა წავათიოთ და...

სანდრო (გააწვევტინებს) უსირცხვილო ხარ!

ვახტ. (დრეკით) კარგი, თუ ღმერთი გწამს..

სანდრო წავიდეთ თუ აქ ვიმეცადინოთ?

ვახტ. რაღას მივდივართ?

სანდრო (დაჯდება და წიგნს გადაშლის). მოდი დაჯექი!

ვახტ. (ჯდება).

სანდრო (წიგნს ფურცლავს).

ვახტ. ცოტა ხანს შევისვენოთ, სანდრო.

სანდრო (გაქვირვებული) ჯერ ხომ კითხვა არ დაგვიწყია?!

ვახტ. კი, მაგრამ.. საშინელ დაღლილობას ვგრძნობ.

სანდრო. რა ოხრობამ დაგლალა?

ვახტ. მართლაც რომ ოხრობამ. მთელი საამი საათის განმავლობაში პარკში ვსდევ ერთ ღედაკაცს. ოთახში დავბრუნდი და...

სანდრო. ბიჭო, ხუმრობა იქით იყოს, და ი შენი მოსამსახურე მართლა ლამაზი ყოფილა.

ვახტ. მაშ რა გეგონა? მაგრამ მე ეხლა მოსამსახურეებში აღარა მაქვს საქმე. უფრო ზევით მივიწვევ. დღეს უკვე სანახევროთ ავიღე ის მომზიბ-

ლავი ციხე, რომელსაც სტუდენტურ ენაზე ბინის პატრონის ქალს ეძახიან.

სანდრო. ჰო, ჰო!..

ვახტ. (შხაკრულათ იღიმება) გინდა მოგიყვე?...
d

(ფარდა)

ფ. ო. ს. ტ. ა.

ჩოჩხოველს. შიშის ჟრუანტელმა შეიპყრო მთელი რედაქცია „ემშაკის მათრახისა“ როცა თქვენს წერილს კითხულობდა:

„სოფ. გორდი ახლა იძინებს და ორ საუკუნემდის ვერ გამოიღვიძებს“; „ბიბლიოთეკა ეხლახან გარდაიცვალა“; „ბანკი ანთებამ იმსხვერპლაო, „საავადმყოფო მიიცვალაო“, „სკოლებს ქლეკი გაუნდა“ და სხვა-და-სხვა. რამდენი სტრიქონია იმდენი საშიშარი ამბავი.

თავი მხოლოდ იმით ვინუგუშეთ, რომ თქვენში „ინტილიგენტებიც ავთ ყოფილან გონებით“.

რაჯაბოს. თქვენს ლექსში, „სიზმარში“, ერთი მშვენიერი კულბეტია:

თვალეზი ვსჭყიტე, ვნახე რომ ცოლი მუჯღუგუნს მირთავდა გულ დაღმა ვეგდე და მწარედ ოფლი თავ-ტანზე მლაფავდა“

თავ ტანზე თუ ოფლი გლაფავდა, ცოლი საღლა გირტყამდა ვერ გავიგია.

ილესრიხის. ვერ გავიგეთ.

მაჭვრეტის მოწყალეო ხელმწიფევი! თქვენ გვეკითხებით: „რა საბუთებია საჭირო, რომ სამტრედიელ მოსამართლე ეროსლან არდიშვილზე ჩემი წერილი დაიბეჭდოსო“. ის საბუთები, ბატონო ჩემო, რომელსაც ეროსლან არდიშვილს მოგთხოვდით თქვენ შესახებ რომ ასეთი ბრალდებები წამოეყენებინა.

ხაფანგს. თქვენს წერილს სახელი და გვარი არ აწერია.

იროლის თქვენ იწერებით:

„ღლით დანადგრელ ოფლითა ყოველ ღამეს მთვრალი ვარ, აღარ მახსოვს ცოლ-შვილი ყირამალა დავდივარ.“

ბედნიერი ყოფილხართ, ვინაიდან ფეხებზე კალოშები აღარ დაგპირდებათ.

გრიშა იმერელს. ჩვენ ძლიერ შეგვაშინა თქვენი ლექსის ორმა ტაბუმა:

„ვსტქვი: აწი აღარ დავიწყებ ჯღაზნას, ლექსისა თხუზვასა, აკვნესდა გული, აშფოთდა და ევედრება მუზასა; მუზავ, გაიგე სიავე, რა რიგად გულსა შთენის“

„ეშმაკა“ ამითვალწუნა
აილო ჩემზე ხელია“.

ბჭი „ეშმაკი“ თქვენს ბრალდებას უარყოფს
და ღამნაშავეთ ქ-ნი მუზა გამოჰყავს. ის ამბობს:
შე არ ამითვალწუნებია, არამედ მუზამ აითვალწუ-

ნაო და დასამტკიცებლათ თქვენი ლექსის ბირვე-
ლი ტაეზი მოჰყავს.

ივანე ივანეს-ძე ივანიშვილს. ამდენი ივანია
და ერთი მართალს არ ამბობს.

დაიბეჭდა და დაურვიგდა „განათლების“ აგენტებს გასაუიდათ

ან. ქუჩისპირკულის მოთხრობა გურიის ახლო წარსულიდან

„ტყის კმეზი“

საწუობი, წიგნის მალაზია „განათლებაში“ ოლღას ქ. № 6.

სურქათი-გამოცანა.

